

Sou Cai De Dwg Bouxlawz

覃塘区蒙公镇高占小学三年级 Canh Yinggiz/詹颖琦

De, fajnaj luenzlulu, hoengzfwdfwd, doiq lwgda ndongqliklik, yaepmyebmyeb, baez riu hwnjdaej, song mbiengj najgemj couh loh ok song aen cenjlaej, dwggyaez raixcaix ha! De hag ndaej ndei, lij gig gyaiez bangcoengh bouxwnq.

Sien daej gangj de hagsib ndei ba. Hwnjdangz seiz, de daegbied haeujsim dingq goq, gaenx doengh ukgyaeuj siengj vwndiz, youh daihdamj hoizdap, bingzseiz, de cungj mbouj lau cam lauxsae vwndiz. De sij cozyez seiz hix nyinhcaen raixcaix,

couhsuenq miz vunz youq henz ndang de guhcaemz, de hix lumj mbouj miz saeh ityiengh, haeujsim lailai. Ndigah, moix baez gaujsi, cingz sik de youq ndaw nienzgaep cungj dwg baiz youq daihsam mingz doxhwnj.

De gyaiez bangcoengh bouxwnq. Moix baez gyoengq doengzhag miz gunnanz seiz, de cungj maij coengh, daihgya cungj nyinhnaeuz de lumj dwg boux “fwn gibseiz”.

Baez ndeu, hwnj goq lienh sij saw, gou ra mbouj raen mbaw ceijgek lo, simvueng dwk yaek daej bae. Dang gou gig simvueng dwk mbouj rox

baenzlawz guh seiz, dingqny singdaemq sug ndeu: “Giz, mbouj daiq mbaw ceijgek ma? Gaej simvueng lo, gou sik mbaw ndeu hawj mwngz ba!” Gou cienq gyaiej gvaqbae yawj, de cingq coh gou riunyumj, de siujsim dwk daj bonj bouh swheij sik mbaw ndeu okdaej soengq hawj gou. Mwhhaenx, ndaw sim gou raeujrubub, sim caem roengz-daeuj lo.

Daihgya cai yawj, de dwg bouxlawz? Sou gyaiez cungj baengzyoux neix lwi?

(lauxsae son' gyauc:Cinz Sezginz/覃雪芹)



Soengq Meuziq Bae Ranz

Geij ngoenz neix, seizgan gvaq ndaej caen menh. Gou geq lwgfwngz suenq le youh suenq, lij ca song ngoenz duz meuziq ranz daiq couh rim ndwen lo. Gou caj mbouj ndaej lo, gietdingh ngoenzcog couh bae ranz daiq, coux duz meuziq haenx ma ranz ciengx.

Banhaet, gou caeuj daegbeix daenj buh le, gwn geij amq oemj, gwih ci bae ranz daiq. Daengz le, seizbienth dongx yahdaiq baez ndeu, couh ndonj haeuj ranzyo bae—meuzmeh caeuj meuziq youq gizhaenx ne.

Meuziq ndeigyaez lai lo. Gij bwn de unqnemq ronghsak, bwn henj makdoengj youh gap miz raiz ndaem, gwnz gyaiej daengj hwnj fouq rwz iq ndeu. Miz lwgda baenzdoi, aen ndeu lamz, aen ndeu henj, lumj song naed rinbauj ronghsaksak haenx. Aen bak iq de yiengh lumj cih Sawgun “人(vunz)” youq laj ndaeng loq nding haenx, mumh saekcoeng mbehai song bai, yawj hwnjbae ak dangqmaz.

Gou maij lai lo, gungj hwet roengzdaej couh umj meuziq. Meuzmeh mbouj hawj lo, coh gou rig heuj, haengx da, hozndat fofo. Daegbeix doiq gou yaepyaep da, song dou couh ndoj haeuj ndaw ranz bae canggyaj yawj densi. Mbouj rox gvaq ndaej geij nanz, meuzmeh cungjsuenq cuengqsoeng lo, de ietiet hwet, okbae lo. Yienghneix dou ganjmuengz ndonjhaej ndaw ranzyo bae, umj duz meuziq okdaej. Daegbeix umj meuziq ma ranz, gou youq roengzdaej buenx daiq. A, cungjsuenq guh baenzsach lo, gou angq dangqmaz bae!

Gwn haeuxringz seiz, meuzmeh mbouj raen meuziq lo, couh fatbag heuh hwnjdaej. Doq heuh doq buet, doq yungh dasoem de ra bae ra dauq, ra doengh aen rug caez. Meuzmeh gaenj dangqmaz, daengj hoz heuh hwnjdaej, mbouj geijlai nanz, hoz de hep lo, gij sing hozhep ndaw de daiq miz



siliengz……yawj gij yiengh meuzgeq, gou caen mboujgvaqei, vit gaiq noh ndeu hawj de, de mbouj leix, youh buet youh heuh moq, ra lwg de……

Gou baez daih' it gamjsouh daengz doenghdz gyaiez lwg swheij baenz-neix. Ai, gou loek lo, mbouj wnggai vih gij gyaiezmai swheij, ceksanq mehlwg de a! Gou ndawsim ngeix ndei lo, seizbienth gwn geij amq oemj, ganjmuengz ma ranz.

Umj hwnj duz meuziq ndaw ranz, yawj gij yiengh ndeigyaez de, gou miz di sij mbouj ndaej, yienghneix gou aeu gaiq dangauh ndeu gueng de, hoeng de mbouj gwn; hawj cij hawj de, de hix mbouj gwn, cij menhmenh heuh. Gou umj de hwnj, raen de ndang saenzdikdik, doiq lwgda cimyawj gou. De haengjdingh siengj daxmeh de lo, ndawsim gou nyaenx mbouj ndaej saenz baez ndeu, duz meuziq neix doekcaw lai lo! Seizneix, gou lumj youh nyi daengz gij sing meuzmeh heuhyaya haenx, baenzneix gou gietdingh—soengq duz meuziq dauqma henz ndang daxmeh de!

Gou daiq duz meuziq dauq ranz daiq, yaek bae seiz, gou menhmenh rub gij bwn unqnemq duz meuziq, cup aen najbyak gvangelanglang de, gig nanz sij mbouj ndaej lizhai, cig daengz gou da dumz le……

(Vangz Swjau raiz Veiz Yinyiz hoiz)

Saeh Doeksaet-yat Aen Supfoenx

上林县大丰镇中心学校四年级 Couh Gonvaz/周冠华

Gou haj bi seizhaenx, miz gienh saeh doeksaetyat danhseih mbouj yungyiemj ndeu, daengz seizneix siengj hwnjdaej lij miz di ndangsaenz.

Miz ngoenz ndeu, gou cingq naengh youq gwnz sahfaez yawj densi, sawqmwh daxboh daj baihrog dauqma, gwnzmbaq gwed aen siengceij ndeu, ndawde dwg gijmaz doxgaiq ne? Gou gig siengj hai yawj. Daxboh baez cuengq roengz aen siengceij, gou couh sikhaek buet gvaqbae hai yawj. Raen aen doxgaiq luenzlulu lumj aen doengj, lij miz diuz gyongj raez ndeu ne. Seizhaenx gou laihnaeuz dwg duz iugvaiq, couh cam daxboh: “Daxboh, mwngz aemq gijmaz dauq, dwg duz iugvaiq ma?” Daxboh rihaha hwnjdaej gangj: “Neix dwg aen supfoenx.” Gou youh cam daengz daej: “Aen supfoenx youh dwg gijmaz? Miz maz yungh ne?” Daxboh mbouj naihanz dwk naeuz: “Mwngz gag bae sawq yungh ba!” Gou byaij coh aen supfoenx, cap dien, diuz gyongj aen supfoenx youh raez youh hung mbouj raen ning, gaendwk gou couh dawz diuz gyongj lumj aen ndaeng duzciengh hung haenx hwnjdaej, aeu bak coh ndaw gyongj ci rumz. Mbouj rox dwg baenzlawz fwngz gou naenx deng aen anniu, “hu” sing ndeu, aen bak gou deng rumz hung sup haeuj ndaw gyongj hung bae. Gou haenqrengz daz ok hix mbouj okdaej, gou vueng lo, siengj heuh daxboh daej bang gou, hoeng gyongj mbouj ok. Cingq youq seizhaenx, daxboh buet gvaqdaej, gou laihnaeuz de caeuj gou beng aen gyongj, mbouj siengj daengz de baez naenx roengz aen anniu, rumz couh dingz lo, gou daengx ndang unqnemnem dwk

naengh youq gwnz namh, gwnz naj haunyo lij conh ok hanh daej, lien z heiq mbouj ganj cuengq, ai, hwk yaek dai lo……

Neix couhdwg gij loek dwklau aenvih gou maij ra goekgaen couh deng famh haenx. Seizneix baez raen aen supfoenx gou couh lau, caen dwg “baez deng ngwz haeb, laep raen cag cungj lau” ha.

(lauxsae son-gyauq: Mungz Cwngz-gen/蒙成建)

